



Broj: 06/3-50-1-76-33/11
Sarajevo 01.12.2011. godine

ZAPISNIK

33. sjednice Odbora za žalbe građana Parlamentarne skupštine Bosne i Hercegovine, održane 30.11.2011. godine

Tridesttreću sjednicu Odbora za žalbe građana Parlamentarne skupštine BiH sazvaio je Mate Miletić – predsjednik.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Ermin Pešto, Marijan Milićević i Hamida Karčić - članovi, te Aida Kreho – privremeni sekretar Odbora za žalbe građana Parlamentarne skupštine Bosne i Hercegovine. Opravdano odsutna bila je Danica Berić.

Sjednici je, također, prisustvovao Rasim Redžo iz Granične policije BiH.

Sjednica Odbora počela je u 11 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 32. sjednice Odbora za žalbe građana Parlamentarne skupštine Bosne i Hercegovine;
2. Razmatranje predstavi na rad pripadnika Granične policije BiH (izvjestioci: Mate Miletić; Amela Bašić; Hamida Karčić);
3. Razmatranje predstavke broj: 05/2-50-1-76-32-2 od 28.10.2011. godine (izvjestilac: Ermin Pešto);
4. Tekuća pitanja.

Dnevni red jednoglasno usvojen.

Ad.1. Usvajanje zapisnika sa 32. sjednice Odbora za žalbe građana Parlamentarne skupštine Bosne i Hercegovine

Članovi Odbora *jednoglasno su prihvatili* Zapisnik sa 32. sjednice.

Ad.2. Razmatranje predstavi na rad pripadnika Granične policije BiH (izvjestioci: Mate Miletić; Amela Bašić; Hamida Karčić)

Mate Miletić zadužen je, kao izvjestilac, za predstavku broj: 05/2-50-1-76-32-1/11 od 28.10.2011. godine. Nakon što je članove Odbora podsjetio na sadržaj predstavke, g. Miletić je u najkraćim crtama prezentirao i Izvještaj nadležne agencije o ovom slučaju. Nakon

diskusije, članovi Odbora *jednoglasno su prihvatili* Izvještaj, kojim se predstavka odbacuje kao neosnovana.

Mate Miletić zadužen je i kao izvjestilac za predstavku broj: 05/2-50-1-76-32-4/11 od 03.11.2011. godine. Nakon što su prezentirani i predstavka i Izvještaj o izvršenim preliminarnim provjerama, te nakon što je predstavnik nadležne agencije dao odgovore na sva postavljena pitanja, zaključeno je da je predstavka neosnovana. Članovi Odbora su, zatim, *jednoglasno prihvatili* Izvještaj o predstavljeni.

Hamida Karčić je određena kao izvjestilac za dvije predstavke:

1. Predstavka broj: 05/2-50-1-76-32-5/11 od 03.11.2011. godine; i
2. Predstavka broj: 05/2-50-1-76-32-6/11 od 14.11.2011. godine.

Imajući u vidu da je postupak rješavanja obje predstavke u toku, članovi Odbora *jednoglasno* su odlučili odložiti njihovo razmatranje za jednu od narednih sjednica.

Amela Bašić je članovima Odbora prezentirala predstavku broj: 05/2-50-1-76-31-3/11 od 13.10.2011. godine, te Izvještaj Granične policije BiH po ovoj predstavljeni. Nakon što su razmotrene sve činjenice i radnje poduzete u postupku rješavanja predstavke, te po okončanju diskusije, članovi Odbora *jednoglasno su prihvatili* Izvještaj o predstavljeni Granične policije BiH, ali se nisu usaglasili o mjeri poduzetoj protiv policijskog službenika obzirom na učinjeni propust prilikom obavljanja dužnosti. Izvjestiteljica u ovom slučaju predložila je da se protiv policijskog službenika izrekne teža sankcija od izrečene opomene, ali ovaj prijedlog nije dobio potrebnu većinu (3 glasa „za“ i 3 glasa „protiv“).

U skladu s tim, članovi Odbora su, imajući u vidu da nije nastupila posljedica načinjenog propusta u radu policijskog službenika, *većinom glasova prihvatili* (5 glasova „za“ i 1 glas „protiv“) mjeru koju je Granična policija BiH izrekla protiv policijskog službenika, odnosno saglasili su se da izrečena opomena ima dovoljno jaku snagu da prevenira moguće slične propuste u radu u budućnosti.

Ad.3. Razmatranje predstavke broj: 05/2-50-1-76-32-2 od 28.10.2011. godine (izvjestilac: Ermin Pešto)

Ermin Pešto upoznao je članove Odbora sa sadržajem predstavke broj: 05/2-50-1-76-32-2/11 od 11.10.2011. godine. Uzimajući u obzir specifičnost predstavke, članovi Odbora *jednoglasno* su odlučili dostaviti Graničnoj policiji BiH predstavku uz zahtjev za dostavljanje kraće informacije o činjenicama u predmetu.

Ad.4. Tekuća pitanja

Rasprava o ovoj tački Dnevnog reda nije vođena.

Sjednica Odbora za žalbe građana završena je u 12:30 sati.

Privremeni sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić